

Në bazë të nenit 18 paragrafi (1) nënparagrafi 20 dhe neni 23 paragrafi (1) nënparagrafi 1 të Ligjit për Shërbime Mediatike Audio dhe Audiovizuale ("Gazeta Zyrtare e Republikës së Maqedonisë" nr.184/13, 13/14, 44/14, 101/14, 132/14, 142/16, 132/17, 168/18, 248/18 dhe 27/19 dhe "Gazeta Zyrtare e Republikës së Maqedonisë së Veriut" nr.42/20, 77/21 dhe 154/23), dhe në lidhje me nenin 141 paragrafi (13) nga Ligji i njëjtë, pika 8 dhe pika 14 e Udhëzimit për përcaktimin e afatit për veprim sipas aktvendimeve të Agjencia për ndërmarrje të masës (Tekst i pastruar) ark.nr.01-4139/1 datë 07.11.2022, Raporti me shkrim për mbikëqyrje të kryer programore ark.nr.1102-744/1 datë 15.02.2024 dhe Konkluzionin ark.nr.0201-773/10 datë 19.02.2024, Këshilli i Agjencisë për Shërbime Mediatike Audio dhe Audiovizuale, në seancën e 6-të mbajtur më 19.02.2024, miratoi si vijon:

Aktvendim

për paralajmërim publik dhe përjashtim të ritransmetimit të shërbimit programor

1. **PUBLIKISHT PARALAJMËROHET** Operatori i rrjetit publik të komunikimit elektronik, Shoqëria për prodhim, tregti, hotelieri, komunikacion dhe shërbime MULTIMEDIA NETWORK L SHPKNJP eksport-import Gostivar, për shkak se ka ritransmetuar shërbim programor i cili nuk është i regjistruar në Agjencinë për Shërbime Mediatike Audio dhe Audiovizuale (Agjencia) në pajtim me nenin 141 të Ligjit për Shërbime Mediatike Audio dhe Audiovizuale (LSHMAAV). Shkelja nga paragrafi (1) i kësaj pike është përcaktuar në Raportin me shkrim për mbikëqyrje të kryer programore ark. nr.1102-744/1 datë 15.02.2024, që është pjesë përbërëse e këtij vendimi si Shtojcë nr.1.

2. **URDHËROHET** që Operatori i rrjetit publik të komunikimit elektronik, Shoqëria për prodhim, tregti, hotelieri, komunikacion dhe shërbime MULTIMEDIA NETWORK L SHPKNJP eksport - import Gostivar, menjëherë pas pranimit të këtij aktvendimi, të harmonizon punën e tij me dispozitat e LSHMAAV, pra të ndërprren me ritransmetim të shërbimit programor.

3. Të kryhet mbikëqyrje kontrolli, për të përcaktuar nëse subjekti i mbikëqyrjes i cekur në pikën 1 të këtij aktvendimi ka vepruar sipas aktvendimit për paralajmërim publik dhe për ndërpre me transmetim të shërbimit programor.

4. Nëse subjekti i mbikëqyrjes nga pika 1 e këtij aktvendimi, nuk vepron sipas aktvendimit, pra vazhdon të kryen shkelje për të cilën është paralajmëruar publikisht, Agjencia, në pajtim me nenin 23 paragrafi (1) nënparagrafi 2 nga LSHMAAV, do të paraqesë kërkesë për iniciimin e procedurës për kundërvajtje para gjykatës kompetente.

5. Ky Aktvendim është përfundimtar dhe dita e miratimit të tij llogaritet dita e çertifikimit në arkivin e Agjencisë.

A r s y e t i m

Agjencia në pajtim me nenin 6 paragrafi (1) nënparagrafi 4 të LSHMAAV, ndërmerr masë në përputhje me këtë ligj në rastet kur ka shkelje të dispozitave të LSHMAAV ose të rregulloreve të miratuara në bazë të tij dhe kushteve dhe detyrimeve nga lejet.

Në bazë të nenit 28 të LSHMAAV, Agjencia është kompetente për të kryer mbikëqyrje programore (monitorim) të programeve të transmetuesve dhe ofruesve të shërbimeve mediatike audiovizive me kërkesë, si dhe të paketave programore që ritransmetohen nga operatorët e rrjeteve publike të komunikimit elektronik nga aspekti i respektimit të dispozitave të këtij ligji, lejeve, çertifikatave të dhëna për regjistrim, aktet nënligjore dhe aktet e tjera të miratuara nga Agjencia.

Në kuadër të kompetencave të saj ligjore dhe në përputhje me nenin 27 dhe nenin 28 të LSHMAAV, më datë 13.02.2024, Agjencia ka kryer mbikëqyrje të rregullt programore të paketës programore të ritransmetuar nga operatori. Shoqërisë për prodhim, tregti, hotelieri, komunikacion dhe shërbime MULTIMEDIA NETWORK L SHPKNJP eksport-import Gostivar, nga ku është konstatuar se operatori i cekur i cili sipas njoftimit nga Agjencia për Komunikim Elektronik mund të kryej veprimtari në territorin e komunës së Gostivarit, Vrapçishtë, Bogovinës dhe Kërçovës, për shfrytëzuesit e tij ka

ritransmetuar shërbim programor, i cili nuk mbulohet me çertifikatën për regjistrim të shërbimit programor të dhënë nga Agjencia, që është në kundërshtim me nenin 141 të LSHMAAV. Konstatimet nga mbikëqyrja janë të specifikuara në mënyrë të detajuar në Raportin me shkrim për mbikëqyrje të kryer programore, ark.nr.1102-744/1 datë 15.02.2024, që është pjesë përbërëse e këtij aktvendimi si Shtojcë nr.1.

Rrjedhimisht nga sa mësipër, në bazë të nenit 18 paragrafi (1) nënparagrafi 20 dhe neni 23 paragrafi (1) nënparagrafi 1 të LSHMAAV, dhe në lidhje me nenin 141 paragrafi (13) nga Ligji i njëjtë, pika 8 dhe pika 14 e Udhëzimit për përcaktimin e afatit për veprim sipas aktvendimeve të Agjencisë për ndërmarrje të masës. Raportin me shkrim për mbikëqyrje të kryer programore ark.nr.1102-744/1 datë 15.02.2024. dhe Konkluzionin ark.nr.0201-773/10 datë 19.02.2024, për konstatim të mosrespektimit të dispozitave të LSHMAAV të cekur në pikën 1 të këtij aktvendimi, Këshilli i Agjencisë, miratoi aktvendim ku ndaj subjektit në fjalë ndërmerret masë paralajmërim publik dhe urdhërohet menjëherë pas pranimit të aktvendimit të harmonizon punën e tij me dispozitat e LSHMAAV, në mënyrë që do ndërpres me ritransmetim të shërbimit programor.

Agjencia do të kryejë mbikëqyrje kontrolli, për të përcaktuar nëse subjekti në fjalë ka vepruar sipas urdhërit, prasipas paralajmërimit publik dhe ka ndërprerë me ritransmetim të shërbimit programor.

Në bazë të nenit 24 të LSHMAAV, ky aktvendim është përfundimtar dhe kundër këtij aktvendimi operatori i rrjetit publik të komunikimit elektronik ka të drejtë padie për ngritje të kontestit administrativ. Padia për ngritjen e kontestit administrativ paraqitet në afat prej 30 ditësh nga dita e pranimit të aktvendimit.

Bazuar në sa më sipër u mor vendim si në dispozitiv.

Shtojcë (1):

- Raport me shkrim mbi mbikëqyrjen e kryer programore, ark. nr 1102-744/1 datë 15.02.2024.

**Agjencia për Shërbime Mediatike
Audio dhe Audiovizuale
Kryetari i Këshillit,
Lazo PETRUSHEVSKI, d.v.**

Këshillë juridike: Kundër këtij aktvendimi operatori i rrjetit publik të komunikimit elektronik ka të drejtë padie për ngritje të kontestit administrativ para gjykatës kompetente. Padia për ngritjen e kontestit administrativ paraqitet në afat prej 30 ditësh nga dita e pranimit të aktvendimit.